

15

Ha pa he deuz deomp ar Verc'hez
Merket kement a garantez,
Pa he deuz evidomp pedet,
Penez kredi e vemp kollet ?

16

O Kalon Jesus, gouskoude
Lakit muioc'h a garante
En hor c'halonou dinerzet
Ha troet varzu ar pec'het...

17

Kalon Jesus, dre ho poaniou
Ha daelou Rouanez an Envou,
Dre ho maro, oh ! ni ho ped !
Pardonit deomp, p'hon euz pec'het !

18

Ha ra drec'ho ho karante
Fallagriez ho pugale :
Var ho Kalon-Zakr entanet
Tommit hor c'halonou sklaset.

J.-Y. C.

Imprimatur,

Quimper, le 22 mars 1922.

P. MESSAGER, V.-G.

5.284. — Brest. — Moullerez ru ar C'hastel, 4.

D'ar Galon-Zakr

TON : Piou tataro pebez glac'har.



Lavarit din, pobl ken karet
Penez e meuz ho klac'haret ?
Daoust hag a douez ar baianed
Ne meuz ket bet ho tibabet ?

2

Ha gouskoude var douar Frans
Da m'hano ve gret dismegans :
Va c'hroaziou a zo diskaret,
Ha dalc'hmad e ven blasfemet !

3

Peseurt grasou 'meuz deoc'h nac'het ?
Ho pro eo kaera 'meuz krouet :
Etouez holl broiou an douar
Ar Frans a zo bepred dispar.

4

Grasou puill e meuz deoc'h roet,
Araog m'ho peuz o goulennet,
Ha diwallet e meuz ho pro
Diouz he enebourien garo.

Daoust ha ze a vefe kiriek.
 Ve d'an Iliz ha d'ar belek
 Nac'het pep gwir ha gret brezel !
 Her gouzanvet e meuz re bell.

Daoust ha ne meuz ket deoc'h roet
 C'houec'h deiz er zizun var o hed ;
 Perag ouzin ez eo laeret
 Ar zul e meuz 'vidon miret ?

Savet e meuz sakramanchou
 Evit rei perz e m' meritou :
 Perag n'int ket darempredet,
 Ez int a vec'h anavezet ?

Va Mamm evidoc'h 'deuz pedet,
 Var ho pro deuz bet lenvet,
 Ho pugale 'deuz kelennet ;
 Siwaz ! ne ket bet selaouet !...

O Kalon Zakr euz va Jesus,
 Ia ! kement-se zo glac'harus ;
 Mes 'vit skuill beanoz ha pardon,
 Digorit, Jesus, ho kalon !

Salver Jesus, dre ho poaniou,
 Ankounac'hait hor pec'hejou ;
 Truezit c'hoaz, roit deomp pardon !
 Vit se eo digor ho kalon.

Anzav a reomp hon euz pec'het ;
 Truez, o Salver benniget,
 Truez abalamour d'ar fae
 Hon euz gret var ho karante !

Daoust gouskoude ho Merc'h hena
 N'he deuz ket bepred da genta
 Gret hoch' anaout hag ho kare,
 Hag hoc'h Aviel embannet ?

Potred dispont a ve kavet
 Vit difenn ho kwirion bepred
 Var douar Breiz hag e Bro-C'hall
 Hirio kerkoulz evel gwechall.

Galvet hoc'h euz hor iaouankiz
 Da rei o buez d'an Iliz :
 Daoust ha kilet 'deuz aliez,
 Pe zoken klasket digarez ?